



**JABATAN KESELAMATAN DAN KESIHATAN PEKERJAAN MALAYSIA  
(KEMENTERIAN SUMBER MANUSIA)**

Aras 1, 3, 4 & 5, Blok D4, Kompleks D  
Pusat Pentadbiran Kerajaan Persekutuan  
62530 W. P. PUTRAJAYA  
MALAYSIA

+603-8000 8000  
+603-8889 2443  
www.dosh.gov.my

Rujukan kami : JKPP DP/127/656/1-2 KLT. 1(12 )  
Tarikh : 4 Januari 2021

**Kepada Sesiapa Yang Berkenaan,**

Tuan/Puan,

**PENDAFTARAN JENTERA BERPERAKUAN LUAR PESISIR YANG  
BUKAN DIMILIKI OLEH PETROLIAM NASIONAL BERHAD (PETRONAS)**

Dengan hormatnya saya merujuk kepada perkara di atas.

2. Seperti yang sedia maklum, jentera berperakuan luar pesisir yang bukan dimiliki oleh Petroliam Nasional Berhad (PETRONAS) masih tertakluk kepada peruntukan di bawah Akta Kilang dan Jentera, 1967 dan peraturan-peraturan lain yang berkaitan. Jentera berperakuan tersebut perlu mendapatkan kebenaran bertulis daripada pemeriksa bagi pemasangan jentera dan perlu mempunyai perakuan kelayakan (*Certificate of Fitness*) yang sah sebelum beroperasi.
3. Sehubungan dengan itu, Jabatan telah menetapkan semua jentera berperakuan luar pesisir yang bukan dimiliki oleh PETRONAS perlu berdaftar dengan JKPP menggunakan kaedah yang sama seperti pendaftaran jentera berperakuan lain iaitu melalui sistem MyKKP.
4. Oleh yang demikian, bagi tujuan pendaftaran jentera berperakuan di luar pesisir, pemohon perlu mendaftarkan tempat kerja di mana jentera tersebut akan dipasang melalui sistem MyKKP. Tempat kerja ini dikategorikan sebagai Tempat Kerja Lain-lain Sektor (TKLS) di dalam sistem MyKKP.



**PENDAFTARAN JENTERA BERPERAKUAN LUAR PESISIR YANG BUKAN DIMILIKI OLEH PETROLIAM NASIONAL BERHAD (PETRONAS)**

---

5. Walau bagaimanapun, bagi tujuan penyelarasan pendaftaran jentera tersebut antara JKPP Pejabat Negeri dan JKPP Ibu Pejabat, pemohon perlu mengemukakan dokumen-dokumen berikut kepada Bahagian Keselamatan Petroleum, JKPP Ibu Pejabat:

- i. Borang Pemberitahuan Berkenaan Pendaftaran Jentera Berperakuan Kelayakan Luar Pesisir Bukan Milik PETRONAS seperti di **Lampiran 1**; dan
- ii. Surat pengesahan daripada **Malaysian Petroleum Management (MPM)** berkenaan dengan status pemilikan jentera berperakuan.

6. Oleh itu, arahan Jabatan bagi pelaksanaan pendaftaran jentera berperakuan luar pesisir yang bukan dimiliki oleh PETRONAS melalui sistem MyKKP akan berkuatkuasa pada tarikh surat arahan ini dikeluarkan.

7. Jabatan berharap dengan pelaksanaan pendaftaran jentera berperakuan kelayakan ini dapat memudahkan pihak industri dalam menguruskan jentera berperakuan luar pesisir. Sebarang pertanyaan boleh dikemukakan kepada Bahagian Keselamatan Petroleum, JKPP Ibu Pejabat.

Sekian, terima kasih.

**'BERKHIDMAT UNTUK NEGARA'**

***'Pekerja dan Cabaran Budaya Norma Baharu'***

Saya yang menjalankan amanah,

**(IR. ZAILEE BIN DOLLAH)**

Ketua Pengarah,

Jabatan Keselamatan dan Kesihatan Pekerjaan

Malaysia

**PEMBERITAHUAN BERKENAAN PENDAFTARAN JENTERA  
BERPERAKUAN KELAYAKAN LUAR PESISIR BUKAN MILIK  
PETRONAS**

Pemunya jentera :  
Alamat Pemunya :  
Pegawai Bertanggungjawab :  
No Tel :

Lokasi Jentera :  
No Pendaftaran Tempat Kerja :

Jenis Jentera :

BIL.	Keterangan Jentera	No. Siri
1.		
2.		
3.		

Nota :

---

---

---

---

Tandatangan Pemohon : \_\_\_\_\_

Nama Pemohon : \_\_\_\_\_

Tarikh : \_\_\_\_\_